

- Какo сия изволил страсти ты терпѣти,  
 тварь своего убила творца, отца — дѣти.  
 55 О чадо всесладкое, чадо божественно,  
 в радости зачатое, весело рожденно!  
 Вскую днесь сердце мое горестъ исполняет,  
 Симеоном сказанный мечъ ей прободает.  
 Мертва ты зрящи, како жива могу быти,  
 60 без живота моего аз не хошу жити.  
 Свѣтъ очию моею, како зашел еси,  
 вскую мя во гроб и во ад с тобою взял еси.  
 Без тебе сонце — тма мнѣ, тма ж — свѣтъ при тебѣ,  
 с тобою аз на земли пожих яко в небѣ.  
 65 Утоли слезы, чадо, имам бо рыдати,<sup>4</sup>  
 доколѣ не имаши от гроба востати!  
 О, рыдания горка тоже утоляет,  
 кто с Мариною смерти Христовы рыдает.  
 Потщимся убо и мы слезы изливати,  
 70 матери бога печаль тако утоляти.  
 Да егда господь, востав, содѣет ей радость,  
 она общу сотворит с собою нам сладость.  
 О Христѣ вселюбезный, раны ти лобзаем,  
 гроб твой и прах стоп твоих почитаем,  
 75 и яко же пѣние глас хвалы приносим,  
 умерша за ны, тебе всемирно \* просим:  
 Христе, боже истинный, пострадавый за ны,  
 спасай от бѣд, соблюдай твоя христіаны.  
 Первых убо — великих православных царей,  
 80 храни здравых и сильных русских государей.  
 Даруй им царство мирно по вся дни стяжати,  
 здраво, спасенно выну многолѣтствовати.  
 И благовѣрных цариц изволи щадити,  
 даждь им в здравии блазѣ долголѣтно жити.  
 85 Благовѣрная спаси, помилуй царевны  
 и великия княжны и государини.  
 Святѣйша патриарха изволи хранити,  
 всему причту церковну отецъ щедрый быти.  
 Князи, бояры, вои изволь укрѣпляти,  
 90 вся христіаны от враг всяких защищати.  
 Спаси, Христе, помилуй чтущия тя люди,  
 во всяких скорбных дѣлех сам помощник буди.  
 Прослави имя твое, им же ся мы хвалим,  
 со отцемъ ты и со святымъ духомъ выну славим.  
 95 Радость велия днесь мир исполняет,  
 всѣхъ вѣрныхъ сердца превозвеселяет.  
 Христосъ спаситель свѣтло торжествует,  
 ликъ святыхъ аггелъ ему сликовствует.  
 Торжество его о семъ сотворися,  
 100 яко врагъ лютый сильно побѣдися,  
 и градъ державы его — разоренный,  
 адъ всеядущий, а плѣнъ — свободенный.

л. 596

л. 598 об

<sup>4</sup> В ркп. написано по первоначальному рыдает. \* Эта строка читается и на л. 597 об., но там она почти стерта. \* В ркп. надписано над строкой.